

Inatsisartut suleriaasiat § 37 naapertorlugu matumuuna Naalakkersuisunut apeqqutit imaattut saqqummiuppakka:

1. Ilisimaneqarnerluni isumaqatigiissuteqarluni kiffartuussinissamik ingerlatsiviusuni qulimiguummik angallassineq silamik peqquteqaannangitsumik aammali teknik-erneramik peqquteqartumik ullorpassuarni kinguaattoortarneq piummat?
2. Angallassisariaqarnermik pisussaaffeqalersimalluni angallassissutaasut aaqqissuuttuartariaqarnerannik pissuteqartumik atuisunut piffissamik aningaasanillu nalilimmik kinguneqartitsiuartarneq Naalakkersuisuniik qanoq nalilerneqarsinnaava?
3. Januarip aallaqqaataaniit kiffartuussinissamik isumaqatigiissutit nutaat atuutilernissaasa aallartilluarnissaat Naalakkersuisut qulakkeersimavaat ?
4. Pisussaaffik naammassineqarsinnaangittutut nalilerneqarpat angallassisinnaasunut allanut isumaqatigiissuteqarsinnaaneq periarfissaqarpa?

(Inatsisartunut ilaasortaq Jess Svane, Siumut)

Tunggavilersuut;

Ulluni kingullerni angallannermut tunggatillugu oqallinneq milliartunngilaq. Tamanna tupinnanngilaq, oqaatigisariaqarpara Qeqertarsuup tunuani, uani pivakka Qeqertarsuaq, Qasigiannugit, Kangaatsiaq eqqaalu silamik peqquteqaannangitsumik, aammali nalunaarfigittarnerput aallaavigalugu teknik-erneramik peqquteqartumik ullorpassuit kinguaattoorfivoq.

Aammalu ukiup nutaap aallartinnissaanut ulluminiinnanguangortut aappaagumut suli angalanisamat inniminniisoqarsinnaanani.

Ukiariartornerani sapaassuillu qanillinerini Qeqertarsuup tunuani immakut angalaneq unilluinnartarpoq kiffartuussinissamik isumaqatigiissutit tunggavigalugit qulimiguulik kisimi angalalersarmat. Tamatumalu kingunerivaa kinguaattoornerit ingasalluinnartut pilernerat. Aammali Air Greenland-ip qulimiguullit atungai silamik peqquteqaannangitsumik aammali teknik-ernerparujussuarnik nalaaffioqattaarnerat.

Aammalu oqaatiginngittoorneqartariaqarani nunatsinni angallaffiit akisunerpaartaat, tassalu Qasigiannugit Qeqertarsuarlu ulluni makkunani qulimiguulimmik tikiqqartarnerat ullunik arlalinnik kinguaattoorfiummata.

Inatsisartunut ilaasortaq Jess Svane, Siumut